

Artista Vanesa Paulina: Fortaleciendo lazos entre e islanan ABC y Cabo Verde

ORANJESTAD (AAN) — Durante su bishita na Cabo Verde na juni ultimo, e artista Arubiano-Caribense Vanessa Paulina a entrega su obra "Indigo Kids" na e Minister di Asuntonan cultural Caboverdiano sr. Manuel da Veiga. Cu e donacion aki, e artista kier a intensifica e lazonan cultural entre e islanan ABC y Cabo Verde.

MUSICA: Na luna di Mei y Juni e artista plastico tabata di bishita na Cabo Verde, na

e Isla Santiago di Praia, en compania di e banda di reggae "Delidel Touch" di Hulanda, cu a worde invita pa toca na e Festival Internacional di Musica "Gamboa", un festival di tres dia cu a worde organiza pa celebra e aniversario di e ciudad di Praia, locual ta nifica "laman". Bandanan musical cu a toca na e festival a bin di tur parti di mundo, entre otro di Brazil, Portugal, Angola, Gunea



Bunita potret aki di e artista local Vanessa Paulina na San Vicente.

Bissau, etc.

AMISTAD: Manera a worde menciona ariba, Vanessa Paulina a haci uso di e oportunidad pa duna un pintura na e Minister di Cultura, ken tambe ta escritor y linguista, y un bon amigo y colega di Vanessa su inspiracion, e escritor y linguista Prof. Frank Martinus Arion, ken ta biba na Curacao.


Da Veiga y Arion a topa otro na varios ocasion pa compara e lenga crioyo di Cabo Verde cu nos Papiamentu, y cu ta resulta pa gran parti for di e idioma di Cabo Verde.

CULTURA: Como artista Vanessa Paulina ta hopi interesa y cautiva cu e lazonan historico y ancestral cu e islanan ABC (Aruba, Bonaire y Curacao) y Cabo Verde tin cu otro.

E crioyo papia na e Islanan ABC ta unico den Caribe, esaki pa motibo di esclavitud di antes, e similaridad entre e Islanan y e descubrimiento cu nan tabata papia un lenga hopi pareci.

Rotterdam, na unda Vanessa Paulina ta biba, ta e ciudad cu tin e comunidad mas grandi di Cabo Verdediano na Hulanda. Otro fuente di inspiracion tabata e thesis skirbi pa Prof. Fran Martinus Arion "Kiss of Aslave".

ARTE: Vanessa Paulina ta un "Fashion Designer" y ilustrador studia. El a studia entre otro na "Windroos Mode Instituut" na Rotter-



Manuel da Veiga y Vanessa Paulina cu e pintura "Indigo Kids".

dam y "Mode Academie" na Eindhoven, "Willem de Kooning Academie" na Rotterdam, "Instituut van Ondewijs" na Leiden, y a sigui curso di "Caraibistiek"

na Universidad di Leiden. Ultimamente Vanessa ta haci mas uso di su cuashinan y el a sa di forma y manifesta su mes como pintor autodicta.